



CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n · CP 15320 · Telf. 981453116 · Fax 981453185 · REL 01150709 · CIF P1507100D

Expte. n.º 2021/E001/000014

Ref.: IVCR

DECRETO DA CONCELLEIRA-DELEGADA DA ÁREA DE RECURSOS HUMANOS, INDUSTRIA E EMPREGO

ANTECEDENTES DE FEITO

- 1) En data 10/09/2021 (RE 4066), o Concello das Pontes recibe notificación da Resolución da Xefatura Territorial da Consellería de Emprego e Igualdade pola que se lle concede subvención para a realización do proxecto de obradoiro dual de emprego, denominado "EUME III", encamiñado á selección de 12 alumnos/as traballadores/as así como persoal directivo, docente e de apoio (número de expediente 15/0024/2021), promovido polos Concellos das Pontes, da Capela e das Somozas, ao abeiro do establecido na Orde do 31 de decembro de 2020, pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia e se procede á súa convocatoria para o ano 2021 (DOG núm. 22, do 03/02/2021).
- 2) Mediante o Decreto núm. 1649/2021, do 4 de outubro, apróbase a convocatoria e bases da selección do alumnado traballador para o "Obradoiro dual de emprego EUME III".
- 3) En data 04/10/2021, publícanse as bases reguladoras do procedemento selectivo no taboleiro de anuncios da oficina de emprego das Pontes de García Rodríguez, no taboleiro electrónico do Concello das Pontes e na páxina web municipal así como nos taboleiros de anuncios e páxinas web dos Concellos das Somozas e da Capela. Na mesma data, remítense á xefatura territorial da Consellería de Emprego e Igualdade da provincia da Coruña.
- 4) O día 06/10/2021 recíbese no concello listado de preselección de candidatos/as remitida pola oficina de emprego das Pontes de García Rodríguez.
- 5) A través do Decreto núm. 1674/2021, do 06 de outubro, iniciouse a selección do alumnado-traballador, designáronse as persoas integrantes do órgano de selección e fixouse o lugar, día e hora de constitución do tribunal.
- 6) Mediante o Decreto núm. 1879/2021, do 29 de xullo, resolveuse contratar como alumnado traballador do obradoiro dual de emprego "EUME III", ás doce persoas aspirantes que acadaron maior puntuación no proceso selectivo, de conformidade coa proposta efectuada polo tribunal de selección, de data 27/10/2021.
Na dita resolución non se establecía lista de reserva ante a falta de persoas aspirantes que tivesen superado o proceso sen obter praza, segundo o acordado polo tribunal de selección, na mesma sesión.
- 7) Na Resolución 1895/2021, do 2 de novembro, dispúxose solicitar da oficina de emprego das Pontes de García Rodríguez unha nova lista de candidatos/as preseleccionados/as para participar no proceso selectivo de alumnado traballador do obradoiro dual de emprego "EUME III" ao non acadarse o número mínimo de persoal para ser contratado como alumnado-traballador e ante a inexistencia dunha lista de reserva derivada do proceso selectivo.
- 8) O día 03/11/2021 recíbese no concello o listado de preselección de candidatos/as remitido pola oficina de emprego das Pontes de García Rodríguez.
- 9) A través do Decreto núm. 1914/2021, do 4 de novembro, resolveuse iniciar unha nova selección para a provisión de dúas prazas e, no seu caso, listaxe de reserva de alumnado traballador e fixouse o lugar, día e hora de constitución do tribunal.
- 10) O tribunal, logo de celebrar sesión o día 04/11/2021, elaborou a listaxe definitiva de persoas admitidas, de conformidade coas bases da convocatoria.

FUNDAMENTOS XURÍDICOS

Consonte a base núm. 6 das que rexen a convocatoria, o órgano de selección elaborará a listaxe definitiva de persoas admitidas ao proceso selectivo. A dita listaxe será aprobada por resolución da concelleira-delegada e se



CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n · CP 15320 · Telf. 981453116 · Fax 981453185 · REL 01150709 · CIF P1507100D

Expte. n.º 2021/E001/000014

Ref.: IVCR

publicará no taboleiro de anuncios electrónico do Concello das Pontes (<https://sede.aspontes.org/opencms/es/informacion/>) e na súa páxina web, así como nas webs e taboleiros dos concellos das Somozas e da Capela. Na dita resolución comunicaráselles aos candidatos/as o prazo para presentar a documentación que se lles requira nas presentes bases.

A Alcaldía é, en principio, o órgano competente para ditar a presente resolución en virtude da atribución conferida ao alcalde polo artigo 21.1, letras g) e h) da LRBRL. Porén, tal competencia foi atribuída á concelleira-delegada da Área de Recursos Humanos, Industria e Emprego mediante o Decreto núm. 993/2019, do 24 de xuño (BOP núm. 121, do 28/06/2019).

Por todo iso, a través do presente decreto, RESOLVO:

- 1) Aprobar a lista definitiva das persoas admitidas no proceso selectivo do alumnado traballador para o obradoiro de emprego "EUME III", de acordo coa proposta efectuada polo tribunal de selección, de data 04/11/2021, que é a seguinte:

DNI	APELIDOS E NOME
***2179**	ÁLVAREZ RAMA, MÓNICA CAROLINA
***2325**	CASTRO CASTRO, TANIA
***8534**	MONTERO PICO, MARÍA BELÉN
***8365**	OTERO VIGO, MARÍA ELENA
***0995**	PRIETO FRANCO, CARMEN
***1561**	VÁZQUEZ RODRÍGUEZ, MARÍA JOSÉ

- 2) Concederlles aos aspirantes un prazo de **dous (2) días hábiles** -contados a partir do seguinte ao da publicación da presente resolución no taboleiro de anuncios electrónico do Concello das Pontes (<https://sede.aspontes.org/opencms/es/informacion/>)- para presentar a documentación para a súa baremación e que figura no Anexo II das bases da convocatoria. **As persoas que non presenten a documentación no prazo establecido, decaerán no seu dereito a seguir participando no proceso de selección.**
- 3) Publicar esta resolución no taboleiro de anuncios do Concello das Pontes (<https://sede.aspontes.org/opencms/es/informacion/>), a súa páxina web e nas webs e taboleiros dos Concellos das Somozas e da Capela.

Esta resolución, que pon fin á vía administrativa, pode ser recorrida mediante a interposición de recurso potestativo de reposición ante a Concellaría Delegada competente, no prazo dun mes a contar desde a súa publicación no taboleiro electrónico, de acordo co establecido na Lei 39/2015, do 1 de outubro, do procedemento administrativo común das administracións públicas; ou directamente a través da interposición de recurso contencioso-administrativo, no prazo de dous meses, perante o Xulgado do Contencioso-Administrativo núm. 1 de Ferrol -ou o que resulte competente se a persoa recorrente fai uso da facultade de elección que lle permite o artigo 14.1, regra segunda, da Lei 29/1998, do 13 de xullo, reguladora da xurisdición contencioso-administrativa (LRXCA)-.

Todo iso sen prexuízo da realización de cantas accións coide oportunas na defensa dos seus intereses lexítimos.

As Pontes de García Rodríguez, na data da sinatura electrónica

A concelleira-delegada da Área de Recursos Humanos, Industria e Emprego

Ana María Pena Purriños